

‘বিক্রি হচ্ছে জিপিএ ফাইভ’ সংক্রান্ত সংবাদের বিষয়ে তদন্ত কমিটি গঠন

ঢাকা, ১১ জুন ২০১৮

মাছরাঙ্গা টেলিভিশনে গত ০৯ জুন রাত ১০.৩০ মিনিটে প্রচারিত ‘বিক্রি হচ্ছে জিপিএ ফাইভ’ শীর্ষক প্রতিবেদনের প্রেক্ষিতে বিষয়টি তদন্ত করে দেখার জন্য ৪ সদস্যবিশিষ্ট একটি তদন্ত কমিটি গঠন করেছে শিক্ষা মন্ত্রণালয়।

আজ শিক্ষা মন্ত্রণালয়ের মাধ্যমিক ও উচ্চ শিক্ষা বিভাগের এক প্রজ্ঞাপনে এ তদন্ত কমিটি গঠনের বিষয়টি জানানো হয়।

মাধ্যমিক ও উচ্চ শিক্ষা বিভাগের অতিরিক্ত সচিব ড. মো. মাহামুদ-উল-হক কমিটির আহবায়কের দায়িত্ব পালন করবেন। কমিটির অন্য সদস্যরা হলেন- বাংলাদেশ প্রকৌশল বিশ্ববিদ্যালয়ের সিএসই বিভাগের অধ্যাপক মো. ইউনুস আলী, মাধ্যমিক ও উচ্চ শিক্ষা বিভাগের যুগ্মসচিব আহমদ শারীম- আল রাজী এবং উপসচিব আরু আলী মো. সাজ্জাদ হোসেন।

এ কমিটি আগামী ৭ (সাত) কর্মদিবসের মধ্যে এ বিষয়ে প্রতিবেদন দাখিল করবে।

উল্লেখ্য, মাছরাঙ্গা টেলিভিশনের ঐ প্রতিবেদনে মাধ্যমিক ও উচ্চমাধ্যমিক শিক্ষা বোর্ড ঢাকার একজন উপ-পরীক্ষা নিয়ন্ত্রক এবং বোর্ডের একজন ব্যক্তিগত কর্মকর্তাসহ উত্তরা এলাকার বেশ কয়েকটি শিক্ষা প্রতিষ্ঠান-প্রধান জিপিএ ফাইভ বিক্রির সাথে জড়িত মর্মে উল্লেখ করা হয়।

মোহাম্মদ আফরাজুর রহমান
ডিপিআইও
শিক্ষামন্ত্রণালয়
মোবাইল: ০১৯১১-০০৭৫৩৯